

桂平縣志卷五

紀地

山川下

川凡江河水溪湖泓泉井塘瀑潭灘渡津口閘壩堤皆載此篇

記山易記水難山之方向易測水之源流難知舊志簡略因於書成倉猝此無足異府志采擇稍廣而重要川流脫漏尙多此猶其小焉者而源流分合與經過地方舛錯滋甚且有同是一水因名目稍異而重出疊載者今於脫漏者補之重出者訂之於源流分合經過略爲攷正若云盡善未敢言也

桂平縣志卷伍

紀地山川下

一

粵東編譯公司承印

南江 左江鬱水也源出交阯十萬山合龍州太平諸水至合江鎮有牂牁江自雲南土富州入田州合泗城以下諸水從右來會趨南寧合八尺陳埠武思諸水至橫眉水爲縣界由是十五里爲小仁大仁二灘十五里爲小烏雲大烏雲二灘十里石門灘南有水出鬱林州北底塘由中都里合大洋蕉樹上洞諸小水入焉十五里浪灘二十五里曹邨灘三十里有官江水入十五里有大灣沙廟門灘十五里南納良莫水西納蓬浪水二十里至縣南頭塘有全村沙馬溜灘經油榨羊欄角白沙灣會北江

舊志

附攷 錄府志

鬱江自南甯府橫州流入經貴縣南又東經府城南至城東與黔江合又東經平南縣南名龔江又東入梧州藤縣界志一統牂牁水經鬱林廣鬱縣今興業縣爲鬱水又東經領方縣州今賓北又東經布山縣今貴地北又經中留縣南與溫水合又東入阿林縣今桂平縣潭水注之水經注鬱江在州南一里其源出交阯至邕州左右江東行經橫州貴州至州與黔江合輿地紀勝鬱江過起敬灘經興業縣西北境又北流有武思江自西北來注之武思江出貴縣西南境山東南流又東南流合西來一溪又東南流入鬱江又北折西北經大浦洲東又北曲曲經貴縣南境有水東自獅子山來注之又西北折而

桂平縣志卷伍

紀地山川下

二

粵東編譯公司承印

東北至縣西南有一水自西北合數水東南流經城西來會即貴縣城西曲水也出西北境紗帽山東南嶺初西水來又東有乾河自縣北境合二源西南流來會於城之西北又南經城折東流經縣城南又東折東北流有西而南入鬱江折東流經縣城南又東折東北流有汛江自東南來注之又北有沙江自北來注之即貴縣東北水二源一出縣北上龍山東流一出東北山司西又東南流合而南流數十里折東南流九十里入鬱江又東北有東津江自北來注之水西北自北山司之南東南一流來合十里龍山麓又東折北流數十里有橫眉江又南數十里入鬱江又東北經大灣塘北又東北經潯自南來注之橫眉水出鬱林州北境一溪南北流數十里北折北流來入鬱江又東北經大灣塘北又東北經潯

州府治桂平縣西南境曲曲百餘里至府西南折而東
南流其南卽嶺雲合嶺又折東北而西北至府城西南十里有蓬
閩江西北自石梯嶺來注之卽西水府又東北至府城東南
受南來寶子嶺水稍東而黔江支津北自城東來會又
東總曰潯江有一水自南來注之水出南頓嶺北流合西來橫嶺東來伏虎
山水經獨秀峯東麓又北經又東北流曲曲六十里而
寶子嶺東又北西北入河江又東北流曲曲六十里而
黔江正派自西來會自合後東至梧州府會桂江所經地及所受衆流鬱江自合江鎮所至
此凡八百里齊召漢志云豚水東至西會入海輿地紀勝牂
南粵江諸水篇漢志云豚水東至西會入海輿地紀勝牂
牂牁夜郎縣豚水東至廣鬱水經注豚水東北流逕談
稟縣東經牂牁郡且蘭縣謂之牂牁水又東南逕毋斂

桂平縣志卷伍

紀地山川下

三

粵東編譯公司承印

縣又逕鬱林廣鬱爲鬱水漢志水道疏證溫水見寰宇記輿地紀勝

牂牁句町縣文象水東至增食入鬱水又有盧唯水來

細水代水水經注云文象水導源牂牁句町縣與盧唯

水來細水代水並自縣東歷廣鬱至增食縣注於鬱也

按三國志諸葛亮傳注引作瀘帷水也卽以帷瀘水也

漢志水道疏證按水經注云歷廣鬱廣鬱今貴縣也

北江 右江黔水也源出貴州都勻府自獨山州流入慶遠

南丹河池州界爲龍江與貴州黎平府清水江流下之融江

合經融縣趨柳州府合洛清江桂林西北諸水會焉下象州

江合紅水江泗慶諸水會焉經武宣入藤峽至平涌塘爲縣

界十里白石涯灘二十里碧灘稱險惡有羅淥水入焉三十里爲小鎖字大鎖字大灣寺諸灘有水洛冲小水入焉二十里出峽爲弩灘亂石嶙峋水勢湧迅中心轉泡旋螺舟行戒心左分江水出大黃江口而合若水涸則不能通也十五里爲小弩灘飛鳳灘脚石灘二十里至縣北頭塘白沙灣與南江會舊志

附攷錄府志

黔江源出牂牁續通考自柳州府象州流入經武宣縣西名曰潭江又東南經府城東北亦曰北江至城東與鬱江合爲潯江即古潭水也一統志潭水自潭中縣今馬平縣又

桂平縣志卷伍

紀地山川下

四

粵東編譯公司承印

東南與剛水合又經中留縣東阿林縣西又入鬱水水經

注黔江在州北二十步其源出牂牁自宜州東南行經

柳象至州之城與鬱江合流輿地紀勝

潯江 在城東黔鬱二水合流二十餘里爲楊欄灘有石鏡河入焉十五里有魚梁河入焉五里伏化灘三十五里大黃江水合十里龍門灘虎跳灘水大稍險南岸秀才灘冬月水涸經此亦險中有石子洲再下數里抵平南相思塘界舊志

附攷錄府志

潯江在桂平縣北二十步過川東五里合鬱江寰宇記貞觀七年置潯州取北潯江爲名元和志左黔右鬱黔之源

出牂牁鬱之源出交阯合於山之麓曰潯水限以二江
左黔右鬱地拱兩江之會境環三郡之封俱方輿勝覽潯江

在桂平縣北二十步自貴融象柳宜而來合鬱江圖經

云乃鬱黔二水合流東去經藤梧封德慶肇慶至廣州

入海輿地紀勝潯江在府城東黔水自城北鬱水自城南至

北合流東下蒼梧名勝志

以上叙大江潯江即在兩江中水不改而異名耳

繡江 在縣南六十里又名大洋河又名大洋江源發於大
容山西流入秀一里西北折入中都里又北折入上都里經
大洋村平沙坦王村新安宣子坪秧地塘馬施陸繼坪旺冲

桂平縣志卷伍

紀地山川下

五

粵東編譯公司承印

良學修坪與冲口江會再經愚子坪蒲塘坪良至坪鵝頸坪
鷓鴣坪折入上秀里經古跡坪復折入上都里經車由坪滿
陂松塘坪至長奇咀太平鎮門塘自大洋村始曲曲流經百
餘里入鬱江本舊志並參訪冊

按繡江一而已而府志則有三繡江其一引方輿紀要云
在府西南五十里亦曰繡水其二錄舊志云大洋江亦名
繡江有兩源皆出大容山至黃塘步下合流至大洋村入
境經大莫石步什字蕉樹等村又有小河自中都里木根
墟冲口江西流至沙江步來合至太平村鎮入鬱江其三
引金通志云繡江城南五十里經上都中都上秀中秀灌

溉田畝並有附攷引一統志云即羅越水也江湛碧如繡
即唐置繡州處寰宇記云繡州有羅越水一名靈溪水以
今攷之實爲一水因所經之地不同而異其名耳

大黃江 在縣北五十里江自弩灘塘分黔江水入崇姜里
爲南淥江水漲則浮舟而過名爲通江落則石脊橫亘其口
舟不能行南淥之水泓然一碧自思盤村渡口約五里許經
廢武靖州合宣二里紫荆諸山之水又約十五里至三合嘴
合宣一里厓龍羅交山各處之水流經文閣前靜深環抱繞
出其後至大黃江墟會於大江舊志清謝天佑修大黃江以通
舟楫由良四阜至厓龍長一百餘里即此府志

桂平縣志卷伍

紀地山川下

六

粵東編譯公司承印

附攷

大黃江經柳州武宣弩灘而東流合潯江又與都邪思
陵二水合亦名大隍水金志大隍水縣東北五十里源出
武宣縣界東流入潯江一統志大黃江城北五十里經大
宣一二里灌漑田畝金通志

官江 縣西南三十里源出下都文山雲合等山經麻洞墟
至中秀里黃羅有水從白石山合簇嶺水至北流等村合流
入鬱江舊志邑紳曹月田有記云官江口源出雲合山西面流
至三祖村經馬印至大蟲埤頭經山塘田寮塘至上垌再下
北馬村經木軸塘至牛角虺下至鄧村龍塘再茅刀塘至米

步江合滙流至嶺冲塘江頭出大江是爲官江口訪册

蓬浪河 縣西南二十七里源出武平里石梯等山經上下黃至仁潭寺三江口合旺水出流厚祿里名獨流江繞黃塘至甫里獅子山下流入趙里永和里合都淥河數里入鬱江舊志金通志作源出石梯羅叢二山府志引

按府志有兩蓬浪江其一卽上所錄其一云蓬浪江城西三十里經厚祿趙甫武平永和等里灌溉田畝其實蓬浪江祇有一無二因經途甚遠採訪者分里任事各錄其里中水道而彼此未經合參執筆者不察而誤分爲二耳都擲江 縣北三十里出羅淥三洞經和社墟至都擲村合

桂平縣志卷伍

紀地山川下

七

粵東編譯公司承印

狼狗小河入潯江舊志按一統志作流合大隍府志

附攷

都邪江城北四十里經大宣崇姜里灌溉田畝金通志

羅嶷江 羅嶷一名羅宜江自紅臺諸猺經平埔古蒲三家石人二十里至薦的南里許至谷山廟八九里至上下沙垌與鵬化水合三四里至迴龍宣一二里交界經李村趙村至福州與羅蛟水合向東南流折回宣一里至石角特南而流經白鳩至三合水南淥水合流數里入大江府志并采訪册崖龍江 鵬化水至崕龍與羅嶷水合下流二十餘里至福州頭與宣二羅蛟水合又二十里三合水與紫荊水合又東

入大黃江府志

冲口江 在中都里發源鳳凰咀擘埗等山西流經平山峽
北山都合木根等村墟會布頭江出獅子口經古城平隆橋
頭黎平調永華遇隆等村墟入上秀里經華祝村折入上都
里經學修坪與大洋江合訪冊
馬來江 府志作木賴江木馬來賴聲近也在縣西一百五
十里武平里西北源出貴縣北山經北山里至三根灘入武
平經古寨古文橫來雅八等村合北梯水再經文六那等村
至武宣界入黔江馬來江夾岸杜鵑花二三月燦爛如錦過
者疑是武陵桃源訪冊

桂平縣志卷伍

紀地山川下

八

粵東編譯公司承印

附攷錄府志

木賴水縣西北九十里源出貴縣界流入鬱江金源出
貴州鬱林縣界輿地紀勝水在府城西北九十里源出貴縣
界流合黔江明一統志在府城西北九十里自武宣縣境流
經貴縣界又東入於黔江方輿紀要

以上叙各里小江

古舍河 自東都里來合上秀里水至繡江河口入鬱江舊志
都淥河 源出馬來山經風木坪合佛子坪水至烏楊蓬浪
村面入蓬浪江舊有石橋今圯設渡船舊志
梁莫河 源出軍陵里經雲南墟鍾村至梁莫村入鬱江舊志

石境河 在縣東十餘里源出軍陵里韋村達沙瀕紫蘇並
垌各河合大汶楞清水河夾小汶楞水過石鏡橋冲口入潯

江爲吉二軍陵分水界長二十五里

舊志并訪册

魚梁河 源出下秀里白石山經油蔴墟上河村合佛塘河

水北入吉一里經古城村東至理村合竹民大河諸水曲折

赴龍門步入吉二里經西河魚梁等村至東葉河入潯江河

長五十餘里兩旁皆架車借流水力激車引水上田

舊志并訪册

小水河 在下都里南里村流至下秀里入平南界

舊志

清冷河 源出吉一里大鄧村石狗清楞潭楞頭塘等處上

合茂塘蓮塘諸水經五仙橋入吉二里經木橋頭至歷江江

桂平縣志卷伍

紀地山川下

九

粵東編譯公司承印

兒口入潯江河長二十里洶洶不竭可灌田百頃冷或作楞

或又作泓

舊志并訪册

嶺尾河 源吉二里石壁冲彩村等水至夾水口入吉一里

穆樂經寺背橋白石橋而抵嶺尾橋下至平南屬下渡上入

潯江此水長四十五里

訪册

山兒河 出吉二里大尋鄧經牛窩埤至石規橋出上冲橋

合入潯江此吉二里竹社團八鄉之水行二十餘里

訪册

麻垌河 上有二源一出下都里南方山麓經諫知埤頭一

出雲合山經大冲石馬木棚等村同至大山嘴合流抵麻垌

墟北納官冲石嶺各村小水再經中秀里烏竹棠梨鷹嘴村

西至官江口入鬱江訪冊

淑河 舊志名小水河在下都里南里村源源出秀一里流至義子坡合尤和小支出思樂嶺頭坡入下秀里大水河植屋田有小舟通平南福壽六陳等墟名沙江下達武林口入大江舊志并訪冊

油麻河 卽魚梁河上流發源於白石山坑暨陳冲左右沿途經南昌塘對岸村平坡山油麻墟社嶺大地佛堂河老鼠咀納清風山謝村穿空河水出車垌平田更合高嶺想思河之水流入吉一里水邊大河口更合上河之水下通社坡魚梁河至石咀墟入潯江

桂平縣志卷伍

紀地山川下

勒竹河 爲平南西河江上源源出介石及黃京山麓經周台石至勒竹墟前後納長冲山新田坡新寨坡及禾綫表良福高叟坡諸水循東北行經木骨橋村邊有台垌明河之水來會通平南富藏深步村名深步河與沙江滙合下至武林口入大江黃京山舊志名黃麋冲有黃麋小河由冲入平南古雍灘卽勒竹河也

耀村河 自觀音嶺發源至北流村有小黃河來會再經盤龍聿石河抵鷹咀村合麻洞河出烏竹堂梨至官江口入鬱江

榕塘河 源出簇嶺中經木山塘至社步口入鬱江

進塘河 在上秀里源出雲合穿鏡二山經墨斗山下出福

州軍屯下楊林進塘與南喬河合下流至官江口入鬱江
南喬河 在上秀里源出石狗頂東面經下都鷓鴣村背下
螺塘至南喬滙垌井塘泉水流下天鵝塘進塘與軍屯河合
流轉福林鵝頸塘出山門旺羅塘至探花垌與麻垌珠藏河
合下流至官江口入鬱江
珠藏河 在上秀里源出下都里鷓鴣村面泉瀆塘流入上
秀里良保知州經福壽石嶺至麻垌墟背出中秀嶺尾會下
都里諸水經中秀東周西岸全塘入上秀里棠梨石頭蒲再
出中秀烏竹至探花垌與進塘河合滙流出中秀柴狗垌折
入上秀里葛麻坪又出中秀交剪塘鷹咀會中秀里諸水轉

桂平縣志卷伍

紀地山川下

一一

粵東編譯公司承印

入上秀里土塘麻子坪而下米步與崩江河合下流至官江

口入鬱江

以上俱
訪冊

以上叙河

思陵水 縣西北十里源出思陵山入黔江永和里田畝藉

資灌溉府志引一統志云流合大隍水又云永和趙甫武平

諸里皆資灌溉皆誤訪冊

南淥水

水色綠

府志

源出黔江弩灘入崇姜里經南淥墟水

口江兒至思盤渡再經甲龍思宜武靖屈甲而至馬占與紫

荆水相會流二十餘里至大黃江入潯江

訪冊

橫眉水 一名橫眉江由縣西南泝流而上一百三十里源

出大容山桂貴兩邑以此江作界流經上都里理塘上下山塘天堂耀團等村入鬱江府志據通志作縣西南七十里源出興業葵山者誤

羅葉水 縣南十里源出南頓嶺流入潯江志舊

布歷水 縣東十五里入潯江志府

伏化水 縣東南二十里入潯江志府

皇化水 在皇化縣東一里縣因水為名志元和

淥水 在縣南十五里曠野中水泉深碧旁皆怪石北入鬱

江志一統

潯水 縣東南十五里天然怪石磴其旁有巨魚生焉志一統

桂平縣志卷伍

紀地山川下

一二

粵東編譯公司承印

按淥潯二水事同文異疑重出今附此備攷志府

附攷

潯江府城南有淥水在曠野中天然怪石磴其旁水泉

深碧清澂中有巨魚人不敢捕志西

羅蛟水 合新犀水出新墟北又三里許入宣一水出大黃

河可通舟至馬蝗橋志府

皇化水 在舊皇化縣東一里因水為名志元和今廢輿地紀

勝隍化水在桂平縣來自容州普寧縣界即此志府

賓水 開皇十五年分桂平縣置大賓縣以西北賓水為縣

名今廢輿地紀勝

紫荆山水 初分爲二自李六龍洞來者爲左水自霜降沙田來者爲右水至三江水合流入峽十餘里而出由金田平山蔡村古程回環至馬占頭合南淥武靖江水約十餘里至三合嘴會新墟以北各條之水爲大黃江以入潯舊志大宣一里藉紫荆鵬化羅宜各山水灌溉田畝其利甚溥府志

石梯山水 出武平里石梯山分南梯北梯北梯者經石塘那良六蒙福隆三星福田村寺村至亞八村合馬來河入黔江馬來河實流經武平里始入武宣界南梯流經進嶺上黃思淋石龍等村墟至福壽橋會貴縣郭東里諸水再會銅柱江水下流爲獨流江蓬浪江入鬱江又一南梯支水流經上

桂平縣志卷伍

紀地山川下

一三

粵東編譯公司承印

思河鳳六村大塘下旺高廟三江鳳蘭等村會三巖鷓鷹二水下流入銅柱江

南三巖水 縣西一百二十里武平里西北源出三巖山南流經雅徑回頭三江鳳蘭等村會鷓鷹水入甫里銅柱江下流爲獨流江蓬浪江入鬱江

北三巖水 縣西一百二十里武平里西北源出三巖山北流經六社六坭平田大蒙牛脚六那哥東等村入黔江以上自石

梯山下
俱訪册

大容山水 即九十九澗水由中都下流至上都大洋村名大洋江曲折百餘里至繡江口入鬱江其上都上秀各里亦

資以灌溉田畝訪冊

白石山水 白石山下秀里田畝均資灌溉府志

思苑水 在桂平縣據輿地紀勝補

四季水 在吉二里聖石後春青夏赤秋白冬黑深不可測

府志又名龍潭見下叙潭

三蒙冲水 在羅秀二里合石塘等水下通濟墟至黃安村

入平鄧村界舊志

牛渚水 府東北九十里自藤峽分流為猺賊出沒處流入

潯江據方輿紀要補府志

都仁水 在中都里發源都仁堡大水表諸山西流經蒲塘

桂平縣志卷伍

紀地山川下

一四

粵東編譯公司承印

楓木雲梯坪而至羅播與六逢旺堡之小水相合經古齋上
坳三角至舊埔坑會大洋江

福涌水 縣西八十五里厚祿里西源出福涌嶺經大嶺王

大坳必祝塘安澹等村至古文冲口入鬱江以上訪冊

羅秀里左右二水 右自六石南鄉下流鐵鋪西出鬱林北

底墟左自平嶺洞心等村名大水河經下都藤黎鄭步村旁

紆曲由羅秀二里馬塘等堡至下秀里油麻墟經龍福至平

南零一里猶堆村出大烏墟始入江舊志

鷓鷹水 縣西一百十里武平里北源出鷓鷹山經三陀獨

石平安旺塘馬村東河旺水羅鉞新寨都棉那蓬等村至仁

潭寺入甫里銅柱江再合南梯水經厚祿里爲獨流江東北經趙里永和里會蓬浪江入鬱江

蕉樹水二 在上都里一源出中都里龍曹山一源出中都里雞尖山皆經蕉樹村旁會於龍坡口復行里許入大洋江九曲水 縣西十六里永和里西源出馬來山流經接龍橋崩陷冲入鬱江

陽江水 縣西二里永和里東源出馬來山流經波羅坑入鬱江

銅柱水 縣西甫里源出武平里三巖石梯二山流經珍珠銅柱獅眼等村匯獨流蓬浪等水入鬱江

桂平縣志卷伍

紀地山川下

一五

粵東編譯公司承印

仁壽水 縣西甫里源出里之登勾山九龍潭白花山獨材嶺等山流經甕窰村合銅柱水再下流匯獨流蓬浪水入鬱江

望江坑水 在宣一里由台山以北各山流出經旺嶺長江墟至上盤石入大江

白沙灣水 在縣東與東塔相對以上訪册

以上叙水

浩溪 又名白石溪在縣東南由中秀里白石山發源北流納青峯山諸澗水至下秀里經油蔴墟旁東片納籐竹諸洞水下行至吉一里匯竹民諸溪水經社坡墟東納白塘大井

諸泉水下行滙犁山冲諸溪水至洞心橫嶺間名三汉口分爲兩道右道滙蕉木溪諸水左道滙棠梨山諸水至大冲青山間名三夾水復合爲一曲折盤施而下至吉二里界滙茱萸峽平安諸溪水至西河馬皮蕩溪諸水右來相滙至河口而入西江溪約深五尺至四丈有餘濶三丈至二十餘丈長一百里有奇流域廣袤一千方里有奇溪流浩瀚水勢潏洄多產魚類中有鰕魚味極肥美且水利最溥兩岸居民多沿溪築陂造車汲水以灌田置碓舂米以代工頗稱利賴故里人楊增華舊有咏浩溪詩

泓溪 在縣東發源於吉一里石狗潭清泓沼北流過石峽

桂平縣志卷伍

紀地山川下

一六

粵東編譯公司承印

折而東流入吉二里界至蘄江而入西江溪約深五尺至一丈有奇濶一丈至三丈長十五里有奇流域廣袤一百方里有奇

蕩溪 在縣東吉一里分兩源左源發龍頭嶺右源發四方塘俱西流至探花村合爲一溪下行繞過馬皮墟邊西南兩面至吉二里西河而入浩溪溪約深三尺至八尺濶一丈至五丈長十二里流域廣袤八十方里有奇

以上訪冊

以上叙溪

清泓 在縣東四十五里馬皮墟北十里大鄧村面前沼約深二丈濶二十餘丈長三十餘丈面積六百方丈有奇泓底

有石穴一大五六尺湧出清泉常流不息各種魚類由穴出多且大有一尾重數十觔者味俱美尤以鯪魚爲最佳泓外蕩爲藪澤形狀灣環凹凸無定烟波浩渺水族滋生約深五尺或至二丈廣三里有奇長五里有奇面積十五方里有奇別種水產物如小魚螺蜆之屬不可勝計蓮藕茨實之類居民取以獲利甚溥藉爲恒業者蓋千百家焉泓一作楞又作冷清冷河自此流出

天橋泓 在軍陵里尋放墟旁三里許水清四季可汲中間有天然石亘二丈餘橫架其上橋下石壁書天橋佳景四字以爲仙人遺跡云泓一作楞又作灑作冷舊志并訪册

桂平縣志卷伍

紀地山川下

一七

粵東編譯公司承印

大汶泓 在軍陵里距潯江數里泓水增減視潯江消長石多可觀畫有硯筆簽筒等肖像訪册

龍潭 在上都里景樂村東北一七八里方圓里許四圍壁立雨不溢旱不涸其深莫測昔人以紗數兩繫石投潭中紗盡而不止每大風雨有蛟龍出入出則草木翻岸上入則悉偃水面土人祈雨必於此取水鑼震鼓響潭水湧浮則有大雨又吉大二里泰產村亦有龍潭居人謂其水隨四時變色

云按此卽前吉二里之四季水又羅叢山水月洞亦有龍潭方輿紀要

清泉潭 縣西甫里內有巖洞暗通大江游鱗多集府志

九龍潭 縣西甫里源泉不竭灌溉田畝舊志

石狗潭 在縣東四十五里馬皮墟北六里荷茂村右潭有三分列相距各丈許深俱莫測徑寬各二丈周圍約各六丈面積約各二方丈有奇其下相通內出清泉天旱不減中有盤石如狗故名魚大有一尾十餘觔者味甘芳石鯉魚鯪魚尤美訪冊

以上叙潭

石湖 府志云在馬皮墟北五里潭開石湖數穴四季不乾微風水聲如環佩潭魚可玩按石湖卽清泓清泓內多石故府志石湖清泓兩處重出石受水擊聲如鐘鼓故府志於山嶺之下又載鐘鼓自鳴石其實皆在一處也

桂平縣志卷伍

紀地山川下

一八

粵東編譯公司承印

南湖 舊志云城南百餘步廣三里延袤二里向多植蓮香聞數里故府志以金蓮夜雨入八景湖中洲舊有平波亭南岸舊有南浦亭今圯俗呼上下結塘中有一塍爲大路今結塘亦大半爲田矣

按南湖舊爲邑中第一名勝其地自今小南門外之文家塘舊亦在湖地範圍面積之廣可想而知明末遭亂居民奔走十室九空清繼明統天下始定旨在招集來氓公地任居不問故湖中水注者爲魚塘洲渚爲第宅日久舊蹟漸湮故舊志作時但以今上下結塘當之詢諸城上久居之民云不僅此也

附攷

南湖在城南延袤二里中有洲洲上有平波南浦二亭

名勝志一名潔湖廣三里許今漸堙塞為民塘方輿紀要俗名

結塘湖志一統

乳泉見西山西

康濟泉 在思陵山洗石菴外元楊子春銘泠泠聖泉淳瀄

迤瀾溫潔如玉芳甘如醴鮒涸可蘇疾病可洗舊志

漱玉泉 在白石山會真觀內之右歲旱鄉人齋沐擊鐘鼓

禱之則泉水湧注可灌田粵西叢載泉在白石山中每鐘鼓動則

泉踴躍而來聲歇隨縮玉泉靈異可與壽州咄泉芽山嘉客

桂平縣志卷伍

紀地山川下

一九

粵東編譯公司承印

泉無為州笑泉並入靈品赤雅

溫泉 在永和里大灣村有大樹數圍空其心水從中出烟

戶數百家汲之不竭四時清甘傳有異蹟又曰溫泉木井

水決泉 在縣東區四十五里馬皮墟之東南十里龍頭嶺

右泉水大旱不涸水味帶甘能解煩熱而愈渴疾以上訪冊

桂花井 在潯州協署廳前其泉清甘舊志現歸潯郡中學堂

湧金井 在城隍廟左舊志

垌水井 在上都里大莫村傍汲飲者多壽冬溫夏清府志

元村大井 在吉一里一連三口水泉盛湧可溉田達三四

百畝

白塘大澗 在吉一里鴨思根上流合衆小泉湧出下流可
溉田達千餘畝訪以上册

錦雞窟 在吉一里進士潘鯨故宅左側穴深數丈四時水
聲點滴如雞啄然府志

以上叙泉井澗窟

石橋塘 在縣署後卽曾幾茶山集所題蓮榭府志

馬家塘 舊爲馬文祥故園中蓮池在城西北隅

文家塘 相傳舊屬南湖範圍在小南門左

澁塘 在吉一里穆樂墟泉流滾滾久旱不竭可溉田千餘

畝訪册

桂平縣志卷伍

紀地山川下

二十

粵東編譯公司承印

三窩塘 在軍陵里專福嶺脚灌溉田畝不少長式里餘附
近有三窩塘村補訪

深冲塘 在吉二里大羅村東南曲折遠長支叉環繞塘中
者凡九十有九塘水用車運之溉田百頃

四方塘 在縣東五十里馬皮墟東北十里長塘村對面深
約二丈至四丈廣一百五十餘丈長二百五十餘丈面積三
萬七千五百方丈有奇水量有七萬五千至十五萬立方丈
有奇多產魚類每年因風色氣候之殊或出蠓蝨小魚鰍魚
塘角魚苦草鮓之屬一二種不等結隊浮游水面每種約有
五千觔至二萬觔之多附近居民補賣于市賴以養贍者甚

衆塘中多鳧鷖千百成羣浮沉水際波間以上訪冊

以上叙塘

思陵山瀑布 在洗石庵西北隅里許水從山巔巨窩溢出流至半山斜掛石塹激湍跳珠聲若奔雷雨後晴朝從數里外西瞻則見百丈練光與東昇旭日相輝映近玩遠觀咸有取焉

馬來山瀑布 在馬來山背永和里都淥河發源處城西諸山以馬來爲最高水亦以馬來所出爲最大常年滔滔不絕故瀑布高垂瓌瑋可觀

白石山瀑布 在壽聖寺後自五姥峯頭噴出下垂高數百

桂平縣志卷伍

紀地山川下

二一

粵東編譯公司承印

丈流出山麓漑田不涸寺僧剖長竹搭引入厨不用汲提而飲啜裕如以上補訪

西降山瀑布 在吉里西降山補訪

墨斗山瀑布 土名水簾從訪冊錄出

紫荊山瀑布 俗名萬年油從舊志錄出紫荊

大容山瀑布 高處直懸有若天降自足凌顛須經時乃達盖大容爲潯鬱梧三郡諸山之主博大高峻流澗紛披則瀑布自有可觀也補訪

以上叙布瀑

大冲口 在縣西一里源出西山下經永和七里洞祿塘橋

等處灌溉田畝

官沖口 城西一里經永和里官橋蕉朮沖等處灌溉田畝

平安沖口 縣東四十里經吉大二里灌溉田畝

石徑沖口 城東三十里經吉大軍陵等里灌溉田畝

弩灘口 離城十六里源出羅淥洞經崇姜大宣等里灌溉

田畝以上金通志

崖龍口 由羅儂入鵬化捷徑昔日官軍與洪秀全戰嘗扼守此口本府志

大黃江口 下達平南上泝潯州為郡城咽喉向設大黃江

巡檢於此

平山口 即紫荆口古林西岸明設大宣鄉巡檢司駐此山

桂平縣志卷伍

紀地山川下

二二

粵東編譯公司承印

之下以上府志

以上叙口

銅鼓灘 在北江委下合南江相傳漢馬伏波征交阯舟載

駱越二銅鼓躍入桂江中即此吳志引綱目彙編謂成化十

年韓雍用兵兩粵軍門設銅鼓數十殆欲繼伏波之餘烈歟

灘中有磨盤石近岸有獨醒巖早乾方可見舊志以銅鼓秋

濤為八景之一府志古蹟 按銅鼓為獠人用器並非漢制說詳

附攷

銅鼓灘其聲如雷或如火炮作戰鬪聲游魚皆驚懼西事

珥灘流聲細則居民安轟而震則有火盜粵西載然值秋

高水激碣碎如雷輒又不驗 銅鼓灘城東一里當黔

鬱二水合流處 紀方輿要 多巨石春夏水漲響如鼓聲 名勝志

弩灘 在桂平縣西北當大藤峽口水湧而迅勢如發弩因

名一統志 有大弩灘小弩灘此處創建水閘姜里之田可資灌

溉

碧灘 縣西北八十里 志一統 勒馬之下明成化初平藤峽於

此置武靖州 志金

按明一統志載潯江中有碧灘弩灘思旁灘斫石灘并銅鼓灘為五水石皆險惡

馬流灘 在南河約十里許此處創建水閘軍陵里之田可

桂平縣志卷伍

紀地山川下

二三

粵東編譯公司承印

資灌溉邑紳周溯賢有弩灘馬流灘開渠議詳紀文

附攷

武流灘郡志云在府西南五里俗名馬流灘武靖鎮置

於此 紀方輿要

茅峽灘 在吉一里大塘口村下其灘逼近江干岩石嶙峋

有名為神仙脚之石者秋冬水落灘勢狹小而直長甚為湍

急往來船隻施師篤工幾費心力乃保安行

大仁灘 一名大淫灘以其淫於破船故名縣西一百十里

大江中灘中石屈曲如之字秋末至春初水落貨船下駛在

所必經如或不慎多被撞壞水落時灘聲遠聞數里南江自

大仁下至縣城各灘未有如大仁之險惡者錄上兩灘俱

以上叙灘

南江下渡 在東門外南岸渡租歸三官堂志府

南江上渡 在潯稅南廠上流舊有潯陽樓迎暉亭即所謂

南津古渡也志府

北江渡 在北門外水急難渡船取輕小難載多人訪府志并

石嘴渡 在石嘴墟旁

江口渡 在江口墟旁訪以上册

愚江渡 在上都里大洋渡下流三十里清嘉慶間上都村里

倡設置田出息以持
久遠錄府志并訪册

桂平縣志卷伍

紀地山川下

二四

粵東編譯公司承印

白馬歐村大灣三渡 俱在南江岸四十里許府志云七十

思盤渡 在崇姜里兩岸碼頭道光六年大湟江巡司張瑜

協紳黃玠等募建

崖龍渡 界宣二里通新墟

李邨渡 界宣二里通新墟

古秀渡 界宣二里通新墟

下瑤壩渡 界宣二里通新墟

石版渡 界宣二里通新墟

小江渡 在大黃江

大洋江渡 在上都里志府

按同治末光緒初經建石橋不設渡册訪

蒙墟渡 在縣南南江岸二十里

崇姜里七渡 曰龍窟村渡南淥江渡經塘壩渡白沙村渡

黎埗塘渡石咀墟渡水口渡以上府志

安澹渡 縣西南一百里大江邊通上都里大灣塘墟

石門渡 縣西南七十五里大江邊通上都里

白沙渡 縣西南六十五里大江邊通上都里

獨流渡 縣西四十五里獨流江桂貴通衢

州城渡 在永和里州城村大江邊

黃村渡 在永和里黃村大江邊

桂平縣志卷伍

紀地山川下

二五

粵東編譯公司承印

官候渡 在永和里官候村大江邊

江兒口渡 在永和里蓬浪村江兒口

福山渡 在永和里福山村大江邊

石冲渡 在永和里石冲墟大江邊

新隆渡 在永和里新隆村大江邊

順昌渡 在永和里順昌村大江邊

白額渡 在永和里白額村大江邊

秀江渡 縣西五十六里浪灘村大江邊

泥江口義渡 在上秀里浪灘村上都里大坪村交界地方

清康熙年間生員曹厥恆等建議開設以下灣墟秤捐作義

渡常年經費

思盤義渡 在宣二里民國元年凌松茂堂羅曾氏捐資倡設以上十六渡俱采訪冊

大江渡 在大黃江

睽江渡 在黃江下五里

馬瞻渡 通黃江新墟要道

三合水渡 黃江新墟要道

彩村義渡

武靖渡 在新墟和社

江頭渡 在新墟里許以上七渡俱錄府志

桂平縣志卷伍

紀地山川下

二六

粵東編譯公司承印

以上敍渡

先後次第未暇排正

高車壩 在紫荊山口上有大石梁長二十餘尺堵水入田

高洞隄 在上秀里高塘甲創自明萬歷十五年長四十餘

丈雍正五年舉人曹厥恆重修

閩塘基 北隄基 皆在上秀里高塘甲陳名典曹厥恆等

先後修築曹厥恆有記云粵攷上秀浪灘高塘等村水患有

二曰浪塘曰北基皆過龍峽也水患之入實自此始一則由

浪塘而直衝沙子字抵背圍而出於雞公塘口橫則南流而

與北基水會一則由北基而直流福洪大井龍塘等處而出

奔官江乃總會於大河二水雖分兩路而實連而相濟以成

害平原盡成巨浸禾苗盡通魚鱉行者迷途耕者失望雖洪水之災不是過也恆日擊心傷思以除之雍正丙午冬會集村隣或捐貲或出力同心修築不數月而浪塘之隄屹然山立至於北基前有處士陳名典曾經修築但此基有二而陳氏僅築其一至今水患仍然不免恆於乾隆乙亥思除其害集衆修築遭丁丑大淹而新築浮蕩無餘又大集人工修復舊基缺者補之卑者崇之視舊基更爲完固經始於甲申年十一月落成於乙酉年三月水患除而行人通一舉而兩善備焉所有捐貲姓名合勒於石以垂不朽云

思味隄 在厚祿里里味村東南長三百九十丈底濶三丈

桂平縣志卷伍

紀地山川下

二七

粵東編譯公司承印

五尺面濶九尺其最高處二丈五尺建築於前明成化年間清嘉慶十七年重修值江水盛漲保存田禾雜糧不少如或潰決溢冒隄內田地被淹沒者計達八十餘頃

尋貴隄 在厚祿里尋貴村北西東長七百六十丈底濶三丈面濶八尺其最高處一丈五尺建築於前明值江水盛漲保存田禾雜糧不少如或潰決溢冒隄內田地被淹沒者計達三十餘頃

以上閘壩隄